

۱۱
انزلی بخاف ۱۱

۱۱
شعر
جمال حلاجی

منذ أن توليت مسئولية الثقافة بالإسماعيلية كنت حريصاً على ترسيخ القيم

والمبادئ الفنية والأدبية بين الفرق المختلفة التي يضمها قصر ثقافة الإسماعيلية .

واليوم عزى القارئ - أضع بين يديك باكورة الأعمال الأدبية

لأحد الشعراء التليغين من أبناء قصر الثقافة .

وكم كانت سعادتي وأنا أتصفح هذا الديوان قبل طباعته

لأننى أحسست بأن هناك جهداً ومشاعر

وأحاسيس فياضه تنفذ إلى القلب بلا إستئذان .

وتذكرت شاعرنا الراحل نجيب سرور فى قوله المعروف « الشعر »

" مش بس شعر لو كان مقصص وقصيح الشعر

لو هز قلبى وقلبك يبقى شعر بصحيح "

مع أمنياتى لشاعرنا / جمال حراجى

بالتوفيق ويلاش نخاف

مدير عام فرع ثقافة الإسماعيلية

محمد حسن إبراهيم

الإهداء

إلى كل من يحاول الخروج من الشرنقه

ويصارع طواحين الهواء

بسيف خشب وقلب من ذهب

إلى زمن الطفولة الجميل

أبى - أمى والجنوب

إهداء خاص

إلى زوجتى "عفاف"

كل الماضى والحاضر والمستقبل

فرحى بالكتاب والشعر

- اليكم جميعاً -

جمال عراجي

الإسكندرية

بنتشابہ

بنتشابہ ساعات الفرح والحزن

ويقابلنا زحام المدن بالحزن

نتفق . . نختلف

نرفض موات البشر بالهمس

يمكن في مرة

نوصل أعالي الشمس



التعريض

وتطرب آلام على ضهر الواد
وتهز الركبه . . ماتهزت
(بسم الله)
أرقبك يا أبني من عين الناس
من عين شفتك ولا صلت
وتصلي على الهادي العدنان
وبخور وكلام
وعيون بتطل من الجدران
وليل ع الابواب بيوسوس
تمايم عشق على صدور الولد
بتتنفس
غناوى منقوشة على
جدران السد
وحكاوى . . .
وأفضل أتابع صوتك يامه
صوتك ييفكرنى يريح الجنة
بقوله هيله فى شده حيلنا
فكرتينى - بلعبه زمان كنت
ألعبها
كنت اللعب حاوى
وكنت ساعات أبقي مداوى
وعريس من غير زفه
وعروستى لفه فى لفه
لم الريح بيعتر
كل ضفاير حلمى
أجرى ع الشط
أشكيله تلول همى

كان الشط ساعتها مسافر
والموج بين رакع وبين ساجد
شديد الشط عليا
(كان بيصلي)
وأنا اللي شوفت جدران
البيوت بتمر من الابواب
وأستنتها كثير لجل تقول
لا البحر ولا الموج كان بيقول
وجريت على الشط
أترحلق ع الرمل الاصفر
أجرى وأعتر
ينزف حلمي من بقى
ع السكه الوهم ويتقطر
واقوم واحلم
إن يكون لى من قلب البحر دراع
وسفينه بألف شرع
ووديان وعطاره
وبيوت من صلصل وحجاره
ألقيها فى قلب البحر وأهلل
واطلع فى عيونه جنين
مليان بالشعر وبالثوره
مليان تفانين
يومها كونا بنرسم شط قنالنا
مركب ونزين رسمتنا
بسفينه وبحر وصوت

لا السفينة سفينة نوح
ولا أنا يونس صاحب الخوت
وموت يادى الحلم الكداب
زمن الاحلام فات
ويصحينى صوتك ياما يا احمه
ودخان البيت وبخوره
وأيدىكى فى الوسط اللهم
وسورة من القرآن
بسم الله
(من شر الوسواس الخناس)
أرقبك يا أبني من عين الناس
من عين شغفتك ولا صلت

فبراير ١٩٨٣

الرصيف والعطشجي

أول قضيب فى الرصيف
فال لآخر قضيب
ليه حمول البلا مش خفيفه
والصحيفه شيله كام نعى الليلادى
عمركش شفت رمل راسم
لم القزاز صورة غزال
وبحر صياد لكنه ملهوف
على رزق العيال
آ !! ه ياكنال يا بو السفاين ع الجبين
فارد شطوطك للرحيل
ولا هارب من السنين
المزلقان شبايل هموم ياما
عرق الغلابه على الرصيف
صايح قيامه
قطع الكلام . . صفاره من بق العطشجي
قطرى الزمانى بقاله زمان ماصفرشى
ياهلترى قفلوا باقى السكك
ولا مكتوب على جبيننا ما نمشى
وأنا الى كنت عامل لليالى حجاب
آ !! ه لو عمر الشقا
بتصدقه المواويل
لو صبح الليالى ميطلعش
نهار كداب

أنا كنت أغنى
وعلى صوت غنايا يتجمعوا الاحباب
يا علقم الصبار
جوفك ده شوك ولا -
أخذنا على ليل الحصار
خليت صنعتى فى عيون البلاد رحال
يا كحله جفونك
إلى أوسع من ضى النهار
أنا عاشق - بس مش قادر أساير
ماتنزليش باقى الستاير
الفجر جاى ..
بس ممكن مستنى البشاير!

سوال

(وحزين يا نخل لما الجريد بيطاطى
أحزان العيال متشعبطه فى باطى
أطوال الهموم جوه العيون بالعرض
طرح النخيل عناقيد
يا هلترى ننطوح فى السماء
ولا ننفرط ع الارض)

مايو ١٩٨٤
الإسماعيلية

تقريب البيت

الى روح الصديق : علاء الخريبي

دخول

على ورق الشجر نامت الاحلام

هزى شواشي القمر يام العيون لاتنام !

قصيدة

مين اللي طالع لابتسام الفجر

فى الليل العصيب ؟

مين اللي فايض فوق شطوط المدن ؟

ساعه إنكسار الشمس فى عب الوطن

رطن النياتى وندهته

صوتنا اللي رافض للسكوت

كل قطارات المدن شايله

محطات للموت

حلم اللي راحل واللى عاشق للسكوت

حلم الجماجم اللي نايه فى التابوت

أخطبوط لاغترب الاغترب

فى البئر

آ !! ه يا رفيق الحنه والفجر السراب

أنت اللي عاشق للىالى وللصباح

أياك م البكا على عصفير الصباح

وجع القسايد

والكلام المش مباح

زائد على جيل أنتنى
من كثرة المواويل
وتعب السنين فى الغنا
وأياك م البكا
على قلب الشوارع
اللى دايسه ع الحارات
وآ!! من فجر شاقق
بطن السكات
يابو العيون عاشقه
هديل المدن فى النيل
من مصغرى رامى الحمول
ع الكتاف
وما عدتش بخاف
من موت القمر بالليل
ومن كل ضربه حظ
ماتبديش غير بالكذب
ياكل قول فى الحلق
بات مقتول
هذا زمان المغفره
ولا زمان الذنب !!

يناير ١٩٨٩

مَلَّتْ عِیونُ الخَلْقِ مِ الصفحات

صبحَ المَدینَہِ بَینَکسر

وَبَیتنصہرَ فِینا الحَاجات

مَلَّ اِنتظارِی فی البدن

أَحننا قَلبِی الوثن

أَرفَعنی فوq کفین قوای

”خارت قوای“ مَن کدبہ الحوادیت

زَمَن القوافِی بِیبهت التواقیت

غَرقت عَناوِین القَصادِ بِالزَهق

اللیل بضلَمته برق

تَراکِیب عَقیمہ بَنتولد

مَن حَمَل مَثلَ صَادق

حَبَلت کَربلاءَ بِالمَدَد

والطَلق کَانَ حَازِق

فَرفطه کَعَبه جَدودنا الاولیا .

”جُد“ رَسیت فی المَزاد

بَیت النَبی طالِب عَتاد

”الأَحمَدی“ صارت رَماد

مَد العَقال شَوائِبه لِالخَلَف

نَظَره . . ومَدَد

یا المَلفوفِین فی الرِّعَی

جَالِکُم مَدَد . .

عنبر دقونكم فى السراير يبتسم

وبيترسم سيدنا الولي

نظره . . . ومدد

ولدت حواركم شيطان

فرق حموعكم من على حاقد على

وما هوش غبي

يادى المدد . . نظره بنى

غافل عيونهم وانطلق

ع العالم المكسور

أنشر حكمتك

ح يلبسوك طرطور

ويعمدوك فى الطقوس

ما أنت البشير المنتظر

غاب النظر

واتبدلت بينا الحروف

ولا قتلش

إنك " أمير الاهل بالمعرف "

ديسمبر ١٩٩٢

أنا، الغزو العراقي للكويت

طسرح الحننباين

أستهلاك

ياسكه غناوى القلب

فى سكوت الشوارع

يا كتر المواجه فى زمن مغشوش

ياقدر عشقى اللى ما خترتوش

قصيده

عصفور غنا

غويت الزفزة فى عيون الصباح

طاير بعشى من الليالى الضيقة

لقلب البراح

قلبك كما الطفل الرضيع

شارب حليب العمر

واخدع الدفا

صهد الجباه أنحنا

ساعه المرور

والأيدين متكتفه

من غير صفه

غير انه عاشق رعشه

أيديكى فى اللقا

عاشق جنون البنات

ساعه الهزار

وساعات بوح القمر

بسرك المكنون

لقلب أنفطرع العشق

واخدع الجنون
و آ !! لو عيون الفجر ما تنمشي
جئلت عيون الخلق بينا في الزحام
ولا حسيناش
غير بتقل الطلق في أيدينا
رعشة قلوب الناس
متونسه بينا
سهرنا ليل السوسنه
بالعشق مره وبالغنا
ولاعمرنا مشينا في
زقاق المدن متلتمين
ولاكان السكات عارف طريقنا
ولا عمرناش أتقسمنا لسكتين
أنتي أنار وأنا اللي راسم
عشقي في كف القدر
موال حزين
بارفض أكون في
عنيكي إحتمال لتغريب
السنين
وبارفض جنون المدن
ساعه أحتضار الشمس
ولاني عاشق باحتمى
بكل اللي فيكي من
شرور الامس
ياأول خطاوى الهمس
في عشق الكلام

عيونك كما المواني
بتحضن الرصفان
» ياورد شان» طرح الخباين
يا قدر عشقى اللى متخباش
كلمه أخيره ما قلتهاش
عاشق عنيكى ع الملاء
عاشق ضماهم والغرق
شاعر بكل اللى أتسرق
من عمرنا فى قطر الزحام
شاعر ما يعرفش
تزيق الكلام

أبريل ١٩٩١

عناق السواسن

بتشكيكى ...

وبتشكى لسعه بروده حفنك الضمه

لحظه مخاض الفعل للكلمة

وبتشكيكى لإشتعالنا

من عناقك للسواسن فى السفر

وجع الرفاقه للمطر

مش كنا متواعدين

على ترتر زواقك يازفة العرسان

حنه كفوفك .. عره ضلوعى للسما

ولسه - ما - مليت شرود

قلبي رفرف ع البيوت الدود

" مُفَعَّمْ أنا بالمستحيل

جيتك مطر راخ على ضهرك .

عناق الأبنيه ..

من عتمتِك جيتك ضيه .

عرفت ليالينا " الشرىق "

طعم السكات

وإزاي أنا نساى وبأفتكر

صوتك غنا .. بتلملمينا

وقلعت الدفه

طفل وبأعشقتك لفه

وبلففك ..

طرح البنات زفه ..

يامبعترانا ع الورق
طالع أشتكيكى للزهق
بتسلمينا - للوجع - وبتوجعينا
فى الحروف
كحلك مراود بالعيون أشتبك
صياد على شط الليالى بالشبك
فارد قلوعى غنوتك
ع اليم صارى وفى السمك عايم
« البحر نايم نايم - البحر قايم قايم »
وأنا اللى صابح باعشوق الترحال
رحال وساحل ما أنكسر
رغم إنحسارك فى المنافى والسفر
إحنا متوعدين
نوعد شباكننا بالانتظار
ننتظر .. ترمح مسافات الخلافينا
وينشتهيكى فاشتهيينا
وينبتديكى عرينا م البوح
عصفور جنان السما
طاير حدودك للحما
صباح صبح
وينشتهيكى
لينا تخريم الودان
وليكى بهجة الخلقان !

- بِشَاكِي طَيْر -

الصبح شققشقق
ع العيون النعسانين صَبَّحَ الخضير
وأنا طير
بأعشق هواكى والسفر
عاشق هديرك فى السواقى
والغيطان الليل
ما العشق شده حيل
مستنى النهار البكر جواكى
يزهزه عودك الحنه
يتسند حيلنا
نعدى صبحك للخضار
يام العيون كحلها نيلى
فارق فى الجلد عن جيلى
وساحرنى عزب الصوت
أفرد قلوئك ع الشوارع السكوت
أقلع غماك
ماعدش شرا ح يسكتك
والعن سماك
لومش ح تنطق كلمتك
كافر بكل الآوبئه
مؤمن بوشك الجنه
ما أنت الفرض والسنه
عشمان بقلبك والدفا

مانيش سليل الارصفة
لكن رجيم الانظمة " أم الغمه "
وما نيش غويكى فى الكلام
والسفسطه
غير إنى شفتك فى الزحام
متبشنتقه
فندرت نفسى للخلاص
لكن خلاص
عرفت إنك غاويه صمتك
معجبه بالأحجبه
ورهننتى نفسك
عروسة حامله مظهره
للى أشتري
مين اللي رجعننى من الموكب ورى
قلبى - قرى :- إنك حزينه
فى مرقدك
وموسدك خناس مضاجع جتتك
راصد وليدك من زمن
وأنتى كفن
قومى بقى وأنقضى
عن سحنتك " سغب " السنين والسفر
وأعلنى للدلالين .. إنى باقى
وتقدرى . ما يغركيش منظرى !
ما يكفنيش - غير إكتمال البدر
ليله طلعتك .

فارر حمام
يشبه هديك بالتمام
أنا صوتي ياما أنتبح
من كتر وشوشة الودع
ومن الوجع
قومي بقي - أحى الليالي
بالسهر والزقزقة
يرجع وليدك م السفر
صاحي النظر
وأرجع أنا بغناكي طير!

أغسطس ١٩٨٩

دع الخواص إهداء الى أطفال الانتفاضة

— إعلان مبوب —

تعلن عيون الفجر للسكه
يانفتحوا عكا بأسم السيف
” ياترقصوا رقص الغوازي “

ع الرصيف
ملعون أبوها المدن حين ما
تولد زيف ...؟؟

» — قصيدة — «

الصبر مرقد الإنكسار المر
أوعاك تسلم مصيرك للقدر
” وأبرهه “ من تانى يهدم كعبتك
أهرب من لون البياض فى محجتك

ليلك ما يشبهشى النهار
” مفعمه “ الاحلام بالتار
أصلب سر إنتمائك للحصار
كل العهود الغيبه والبنوءات
سلمت جرحك للوجع
وحملك للشئات

تهوس الحراس بضربه حجر
زعقه جبينك فى الضجر
بتعلم قلوب الناس تخضر
رغم السفر

رغم إغترابك فى الوشوش

تتوحد خطاويننا
”دموع النواصي“ يهزنا

جوا الحروف
ليل المنافى بيحتويه الخوف
أعتليه ولا تحكيلوش أسباب
عالى الشجب كداب
والبرلمان مغشوش
أصرخ ولا تخفشى
من صوت الديابه
بكره اللى جاي
ح تزملة قلوب الصحابه
مرطعم العشق
فى حلوق الغلايه
ياكل دقه قلب جو الصعب
سمعانا

القبله لحظه شك قلقتنا
أركع لشهقة النور الوليده فى الصلاه
الكل ناوى ينصبك
فوق الجموع نبى وإله
أستغفر لحلمك م السما
ولا تنحنيش
الملك للى سما
ومش للى على فتاقيت
الحياة بيعيش !

أكتوبر ١٩٨٩

حركات في الاستقبال

تقديم

لما تحس بأنك واحد

وأن الخلق يترسم فوقك

وش مرايا وصوت متاخذ

تحس بأنك واحد كل

دموع الخلق دموعك

أعزف فوق الصمت البايخ

تتر لجوعك ..

فأمتي رجوعك

- حركه أولى -

بتفض بلدنا كل بكاره ليلها الفضى

وما بقتشنى تقضى لما نجىها فرادى

وتضيق الدنيا الواسعه

على قدك

وإزاي الحلم الوردى يموت

فى ضلوعك

الليله دقى كفوفك ع البيبان

وأنسى خوفك .. الليل جبان

فأفتحى حضنك مداين للخطاوى الموصده

ليل الشتا مادخلش باب

كل اللي طارد حلمنا كداب

بافرد ضلوعى ع الضفاير

الحك لما رموشك ينطفئ فيها الغرام

أصرخ بحبك .. إنما

أمسك بحيط الضى .. أوصل للسما .

عاشق نهار ساعه بزوغنا المستحيل

كنتى الجميله اللهم

وأنا اللى ما بينى وبينك بأطلع مفيش

وألف حاجب للندا

يتردد الحرف الصدا

إيدك فى أيدى وما تخفيش

الحركه الاخيره ..

- طلع الصباح هذى الكفوى

وأصرخى حلمى المباح

باصيادين ليل الدفوف

تقلت خطاوى درينا

الكون عيون المسجونين فى الغنا

كل القصور الخضر والجنه غريبه عننا

مع إننا ما بنكتفيش بالحلم

كل الأيدين متمكنة منا

وأنتي أيديكى نقشه الحنه

مين يشتري ليلنا الطويل

ويعمده حنا !

مين يحتمى بخيلنا على الحلم لو خيلنا

عصافير كنارى للسما بنظير

- فما تسألش .. ؟ كل النقط متسكنه "

والليل مداين مهلكه

وما تحزنش م الحروف المنهكه

ولا تخجلش م البكا ..

« أغنية للبحر »

يا بحر يا بحرنا مين اللي سارقك مننا ؟
أحبك شباك من حبيينا
وأولد ولاد الصادين
يا بحر يا بحرنا أحضن فلانك عمرنا .
« صارى » وقزق .. وبساريه
فكت شعرها
تلضم خيوطك بالشفق
البحر طاب للريح وانتى « طبه »
لو عنكى يوسعوا حبه
وتشوفى حنه شراقى العمر فى كفوفى
البحر قال إنك عروسه من رمال
وجنيه صدف - صُدف إتقابلنا
واحنايلنا على الصدف
ده اللي حفر بحر القنال فى الاصل
كان غاوى يقسمنا شرق وغرب
وناس تكبر بحلم الناس
يا حبيبتي - كان ياماكان
كان عندى غزال على ليل معداوى
شرقاوى بحرأوى
ميه نظره يا قناوى
يا بحر .. يا بحرنا .. مين اللي سارقك مننا ؟

ولحد فين يياخدنا السهر؟؟

بدل ممنوع .. تبادلنى !
قلبك الاسمنت .. بقلبي حارات الفرح والعيد
أرمح على صدرك عيل
بيفرح بالمايل والجديد
يا !! ه لو تصدقى المواعيد
تطرح ضلوعك نخلتين عاليين
عصافير تزقزق قلبك الصوان
فتضييق المسافة " الضنك "
ما بينك وبينى
قومى أفتحى رمشك النعسان
" وأحتوينى "
مكتوب لى أدورك سواقى الشوق
لا أنا قادر أعدى من حسره القمره
ولا قادر أهريك عيوني لفوق
وفى عز - عز البوح
بأجيك عارى البدن والروح
لا قدرت أفرق بين
ضحكه الدنيا على شهر الكنال
وكسوف القمر على وشك
لو تحسبى خشب الفلايك بحمله
وإزاي وأنا الهريان على الميه .
بأقدر أحله .

البحر - ده - ماينفعشنى لحالات العشق

البحر .. ده - يوسع قوى - فيحتوينى

مولاتى ..

لسه الزمن غافى على سترتك

وأنتى كما إنتى

لا بقدرتى أصبر

ولا بقدرتك تدى .

فلحدفين بياخدنا السفر

وينعافركما التراحيل ع الشبط

ولحد أمتى ح أفرح بقلبك

فى المرايل والكتب

وترغمينى ع الخضوع " والقتب "

ونتبادل .. بدل ممنوع .. تبادلينى .

جمال حراجى

مفرد تموت

مفرد .. تموت

مفرد تعود تانى للدائره الغلط

تركب حصان من خشب

وتنازل الأغوات ع السرج والنبوت

مفرد

بترميك الشوارع للعفار والناس

ولاكنت تعرف فى التعب

ولا كنت ترضى بالنصيب

قاسمك الاسفلت مشوار إنتظارك

وشتت على صدرك رخات مطر الجروح

عودت قلبك ع البكا والبوح

من كام سنه وأنت المرباط ع الحدود

من كام سنه وأنت جريح القلب والجته

ساير خطاوى الارصفه

والعن زمان الموت بالخته

لساك بترمح فى الوريد

يتشدم الننى حجابك الحاجز

خالفت ظنى المستحيل

وخرجت بيك تاريخ مشوش

بالبدايات القديمه والسكوت

مفرد تموت

تطلع مع الطالعين .. للتين والزيتون

ولبوابات القاهره المسكوكه فيك

ولا عاديات الفاخين تقدر تحازيك

كل السكك خليت من الفرسان
الاك بتفضل ع الرمال
مفرد جيههم كل يوم حته
وأنت المهى للأسر والعتة
لو تتصلب على ليل حروفك
ينفتح لك باب زويله
تتخر الارض اللي دايسه فى معدتك
وينبش الصبار ضلوعك
فيحاسبك المكان
على مر السؤال والمعجزة
تطلع مخالف للصفوف
ولا عاد لسانك ينقطم
ولا عاد يكف عن الغنا
ولاعدت ترص بالسرداق
والعزا !

يناير ١٩٩٣

عصفور

عصفور بيرمح للخلا
ويهبز قلبك بين شباك الحلم
فتتوزع ما بين الارصفة
والبوابات
وتنبت عضامك حطب
عديم الطرح
كانت صحارى بدون سما
وبدون دما بتخر ميه وملح
فلتقتح الجنه أوبوابها للمارقين
وخرق النار الحته الجميله فى
صدرك العاشق
وتعود لسيرتك الاولى
عصفور بيتحسس جروحه
ساعه طلوع الروح
وتخفف الدم الثقيل بميه المالح
ولاعدش ليك فى المدن
غير الحيطان والوجع
فلو تخبي وشك من بحيره
نامت على صدرها صفائح جاز
فتاهت ما بين القترنيات
والبوغاز
أو جرك الموجة العفيه
لبحر ما يعرفش فيك
غير القلق

فتتباع مرايل وشنط
للعيال المسكوبن
جو الدروب الضيقة
وتكفيك المشاهده
من بعيد
فأنفد بجلدك من
شباك الصيادين
وفرجه الصبيان على
جته غرقانه
أرشق ملامحك ع الحيطان
المائلة فيك
لاتخاف من جلدك المبشور
الغسالات
ولاعضمك المنخور في حلق السوس
كانت في أحلامك بتلم خلق الله
وتفرق العصيين ع النار
وترجعك عصفور يزقزق ع الملاء
عصفور يزقزق ع الملاء

أبريل ١٩٩٤

لاتندهش

بتخاف من جلدك لو قشعر يوم
ومن صورتك فى المريا قبل النوم
« وتندهش » لوعدت على صدرك
طرايش كلام مريوط بعقد أنفرط منك
ولا يجنك غير إنحدار الأرض فى الجرائن
أو إنبساطها على كفك
شد سقف القول على حلقك ونام
الكل صام ..
الكل ضام ضلوعه عن بوحك
وعن وجعك
أقرأ .. وصورتك فى كتاب مفتوح
بيهزها سعف النخيل
فتتساقط رطب ..
كل وأبعت نواك للى حماك
ساعه الولاده وساعه الطلق
لو جالك .. وجع البوح فى ليله
أنسحب منها القمر فجاء ..
أملى كفوفك وزمزم ميتك
وأشرب .. أو أهرب من عساكر
بيعدوا عليك الخطوه فى الترحال
ويبصموك على إعترافك
فى دفتر الأحوال
أو أسرق البصه الاخيره
من عيون شهدت ولادتك
وأنت عارى البدن والروح .

وأشعر فى ترتيب صورتك
وأسمك من جديد
لاتدارى من عيون البصاصين
وأنت بتخلع جلدك البالى
فوق سور سجنك العالى
ولاتندهش .. ولا ترتعش
وأمشى على النيل القديم
أو إدارى فى نقشه العواميد
لاتهزك حفان الرمل
فوق بحر القنال
ولا ضفيره رايحه المدرسه
فى بحر البقر
ولاهدير المسدافع فوق دماغك
تدوشك
وتطير النوم من عيون
أجمل الجميلات
- لا تندهش -
وغنى مع الاذاعات

يونيو ١٩٩٤

«إزاي بيتخاف»

إهداء إلى : عناف

وبرئته زى الطفل

ساعه النوم

لسه بتسكن حته من قلبى

ولسه بتشرق

لما أنده عليها

بآخر الحرفين من الاسم الجميل

الليل بيتصاحب

ع الرموش الدبلانين

ويهز قلبى ع الحبال

أمنت بيكى بدون رتوش

ويدون وشوش

تتجسس على الانفاس

إزاي بخاف

وإنتى " العفاف والروح "

وإزاي ببوح بالوجع

وأنتى أجمل م المكان والناس

لوتعرفى

خجل العيون اذا بصوا

ولحد مدد الشوف هنتقابل

فإزاي عرفتى باب القلب

وسافرتى فى دمي

شرايين بتوصل لحد سقف الروح

الجرح كان مفتوح

فأتكونى لحظة ميلاد الغريق

ع البر - وسيبينى أحلم بك

كل يوم

” قطر الندى وأميره فى الاحلام “

نحلم سوى .. وندوب

ولاتوب بهفهمف فوق

جيين البحر غير توبك

عصفور يزقزق ع المدى جروحي

ويعدى ليكى بالحدود والصور

” طفل صغير “

يتربع على حجر

ويذرع فى أرضك كل يوم حنه

ويوهب لك

حدود الارض للجنة

الإسماعيلية / ١٦ - ١٢ - ١٩٩٣

بحرين عرق

بحرين عرق يا جرح يامداوى

علمت فوق صدر الوطن

والسيف غناوى

مش كنت ناوى ع الطريق لنهايته

مين اللى سابك فى الميدان واقف

يشهد الصوت اللى زلزل

سور عابدين

أحرار ولحد مش ساجدين

(الطابيه) طالعہ فى طريق حطين

فردين حمام ع التل الكبير خطين

كانت القلعه صبيه وتشهدك

والهرم بيعبى شمس القاهره

فى عبك

آخر حدود المصيده قلبك

لو تشهد العين اللى ما نامت سنين

الخوف على قلقك تطرح غناوى

وبحرين عرق يا جرح يامداوى

مرثا في كامل

كان الوطن فاح على صدرك
وببخش جوا الرئه فتافيت
مصرى وليك في دنشواى أحباب
عارف طريقك فين وطوالى
جددت عهد إجدادك
ووفيت بالنذر ووهبت له روحك
حبل المشانق وضيقه العسكر
في بلادنا علمتنا نعيشق الاوطان
كان الوطن فاح على صدرك
وببخش جوا الرئه فتافيت
ثورى وليك جوا القلوب حكايات .

عصفورين من نار !!

كانوا : عصفورين من نار
بيشيلوا جبل المشنقه
ويضحكوا م القلب
لحد ما يتبل ريق الشمس
فتنفجر على ناس
ما يعرفوش م الضحك غير اسمه
وما يسلموش م الحزن لوضحو
” عصفورين “ خبوا وشهم وضكم
كانو العسس بيقلوا الابواب
فهجت العصافير من دنيا
الشجر والناس
عصفور مجنون
مافضلش غيره
نقر بمنقاره الخشب
واتخبا فى زحمه شعرها
ما تسبيش القمر ينزل على كتفك
فتشريوا العصافير
وتزوغى فى المرايات
ما تسبيش قلبك للضفاير
تسرقه
فيفضل من كل أسمى وأسمك
حرف واحد للوادع

فخدينى مفتاحك للسفر

وأرتاحى فيما م التعب

وكانو عصفورين

كل اللى بينهم جد إنسانى

وحدود مدينه بتغرق

فى آخر شتعا

وتجبر الزوار ع الابتسام

وتعدهم لحسره التجوال

عصفورين مخلوقين

من نار ودقيق

باحتهم الاسرار

فسكنهم جوا قلوب الناس

واتخلقم م الزغب رقازيق

وهربوا من الحراس

أبريل ١٩٩٥

"قمرية"

قمرية فتحت ببيان الشجن

إحتارت ترقق فين

رست عليها المراكب

غرقت في ن العين

البحر مش بحرك

والنجم صارى في السما

عارف حدود غرقك

قمرية دابت ع الشجر

رسمت حدود الناس

والخسرت

لما الخريف هذا الضلوع

احتارت تغنى لمن ؟

موال متيم بالشجن

قمرية صابحة للصباح

تسكت عن القول المباح

او تغنى حلمى الى انكسر

لو يفتح الشط الشعاع

تنزاح غمامات الالم

ويبكى قلبى من الفرح

قمرية كانت من ذهب

فتمرغت تحت التراب

جوا شباك الصيادين

كانت بريئه ومنهكه

العمر راح يتباع لمن
لومش ح نقدر ع الثمن
قمرية تاهت من زمن
لوعيون المحتاجين
تقدر تفاضل فى الحنين
يبقى مين
يقدر يغنى لمن ؟ ؟

١٩٩٦

براوز على بوابه الشهدا

« قلبك وقلبي الرصاص بروز »

لو تعرف النار الخجل من دمك الطاهر

أو شربت الميه دموع الفرخ

من تحت القزار

ماكنشنى أسمك أترشق

ع البوابات بروز

ولاغنا الحمام شرق القنال

موال

من بحر البقر - لتيه الشجره

كان الطريق بيمد

حزن الضفاير والمرايل

تحت الحشا مسئول

عن أنكسار الروح

وعن انفجار الدم فى الاورده

دم البراءه فى الوش باقى

لسه حنينك جوا صدرى ما شيلتهوش

وأنا لسه واقف بانتظر

شايك

على كتفى بيوت وعيال

وحوارى ضيقه وسدود

مكتوب على زندي الفدا

بس امرى ...

ح تلاقى الف من لبي النداء

أسمى واسمك رسمايه بالطباشير

والصبح متخفى وراء التصاوير

فارس جديد

مشرع الافراح على بوابه الشهداء

بيوزع الادوار ويحن لوصالك

كان البارود فاير والعدو منحط

فمين او حالك

وانت يدوب بتعرف تفك الخط

ان الطريق ده يقدر يجاوب

على السؤال بالصح

- سلمت روحك للحبيبه بدون شرط

فردت احضانك لرمل سينا

وللمح القنال بدون إفتعال

كان الطريق من تبه لشجره

لبحر البقر


أقصر ما يمكن للشهاده والانتصار

ورجعت واقف بصورتك الميرى

خلف القزاز

وقدرت تكمل الرسمه

” قلبى وقلبك والرصاص برواز “



(أنا لما دخلت رموشك فجاءه

حسيت بالفرحه

وكأني طفل بيرقص جوا ضلوعك

نمت .. مامتش

زي سنين العتمه ماتضوي فجاءه

صحيت

لما فتحتني عنيك من غير ماعرف

وإنك رفضه دخولي

طرفتني رموشك فخرجت

كان ياما كان

أستنيني طالع لوشك القمره
اوشوش النجمه المهاجره هناك
وأجلك

أحضن فيكي عمري الباقي
واللي قدرت عليه من نفسي

أستنيني

حاضر يومي وأمسي

أوعي تسبيبي مكانك

للشمسايه

حرق باقي الضله في ريقك

ولأني طريقني زي طريقك

مش مضمون

أستنيني

يكن أرجع مالي لعب

حكاوي زي زمان

وأفضل اقولك

كان- ياما - كان

الشاعر فى سطـور



* جمال أحمد حراجى

* حاصل على بكالوريوس زراعة من جامعه قناه

السويس عام ١٩٨٦

* يعمل مدرساً للهندسه الزراعيه بمدرسه الزراعه

بالاسماعيليه

* يعمل محرراً بحريده القناه المحليه - ومراسل الجريده الاهالى بالاسماعيليه .

* نشرت اعماله الشعريه فى جريده الجمهوريه والاخبار والاهرام والمساء واخبار الادب والثقافه الجديده وبعض الجرائد العربيه واصدارت الماستر .

* اصدر ديوانه الاول على نفقته الخاصه بعنوان دمع النواصى عام ١٩٨٩

* شارك فى العديد من المؤتمرات الادبيه

* عمل رئيساً لمجلس اداره نادى الادب لدورتين متتاليتين بالانتخاب

* وسكرتيراً لمجله المرجان الادبيه التى يصدرها أقليم القناه وسيناء الثقافى

* كتب أغانى بعض المسرحيات التى قدمتها الثقافه خلال السنوات الماضيه

* معتمد كمعد بالاذاعه والتليفزيون " القناه الرابعه وإذاعه القناه "

* شارك فى اعداد وحرير معظم إصدارات الماستر والمجلات الثقافيه والادبيه بالاسماعيليه

* نشرت لى العديد من الدراسات الادبيه فى المجلات والجرائد

* سجلت اعماله الادبيه فى كل من القناه الاولى والرابعه والخامسه والسادسه

واذاعه صوت العرب والشرق الاوسط والشباب والرياضه واذاعه القناه .

« فهرس »

صفحة

١	الإهداء
٢	١- بنت شابه
٣	٢- التوبيخ
٦	٣- الرصيف والعطش جى
٨	٤- توابى
١٠	٥- نظره ومعد
١٢	٦- طرح الجنائين
١٥	٧- عناق السواسن
١٧	٨- بغناكي طير
٢٠	٩- دمع النواصي
٢٢	١٠- خركتين للزوج المستحيل
٢٥	١١- ولحدين بياخذنا السفر
٢٧	١٢- مفرد تموك
٢٩	١٣- صصف
٣١	١٤- لا تندهش
٣٣	١٥- ازاي بخلاف
٣٥	١٦- بحر رين عرق
٣٦	١٧- مصطفى كامل
٣٧	١٨- عصفورين من نار
٣٩	١٩- قمر ريه
٤١	٢٠- برواز على بوابة الشهداء
٤٣	٢١- خروج
٤٤	٢٢- كان ياما كان
٤٥	٢٣- الشاعرفي سطور
٤٦	٢٤- الفهرس